



Mai vei Peresitedi Russell M. Nelson

KAUKAUWA NI VALETABU

Ena Maji, a volia kina na Valetabu e Katiladi na Lotu i Jisu Karisito ni Yalododonu Edaidai. Na valetabu oqo a dua na tiki bibi ni vakalesui mai ni kosipeli i Jisu Karisito.

Ena ika 3 ni Epereli, 1836, a rairai kina o Jisu Karisito vei Josefa Simici kei Oliva Kauderi ena Valetabu e Katiladi. A ciqoma na iVakabula na valetabu me Nona vale. A qai yalataka, "Au na **vakatakilai** au vei ira na noqu tamata ena loloma cecere ena vale oqo" (Vunau kei na Veiyalayalati 110:7). Na yalayala oqo e baleti ira kece na valetabu nikua.

Ena valetabu, sa rawa mo ciqoma kina na isau ni masu. E rawa talega ni o ciqoma na vakabauta, igu, vakacegu, kila ka, kei na kaukauwa. Na gauna ena valetabu ena vukei iko mo vakasamataka na veika vakasilesitielei ka raica se o cei dina o iko ka o cei o rawa ni yaco mo vakataka. Ena vukei iko mo kila na sala o na veirauti kina kei na ituvatuva vakasakiti ni Kalou. Au yalataka vei iko oya. ●



“NA VALETABU SA IKOYA NA MATAMATA NI VEIVAKALOUG-ATATAKI CECERE NI KALOU E MAROROI TU VEI KEDA YADUA.”

Peresitedi Russell M. Nelson




vakatakilai:
vakaraitaka se vakatakila

Tauri mai na "Marautaka na iSolisoli ni iDola ni Matabete," Liaona, Me 2024, 119-21.




ITAVIQARAVI NI KOTIVI-TANI

Kotiva wavoki na bati ni Valetabu e Katiladi. Qai lobika ena laini digo sa tu kina ka vakabira vata na tutuna kei na delavuvu.



NA CAVA NA VALETABU E KATILADI?

A tara na Valetabu e Katiladi mai Katiladi, Oaio, Amerika, ena 1836. E a imatai ni valetabu ni Lotu vakalesui mai.



Katiladi, Oaio

E muri, era a qai biuta tu mai na lewe ni Lotu me ra toki yani ki na ra. E dua tale na lotu a qai qarava tu na vale oqo ena vuqa na yabaki. Wale tikoga qo, a volia na valetabu na Lotu i Jisu Karisito ni Yalododonu Edaidai.